



XALQ DEPUTATLARI SURXONDARYO VILOYATI ANGOR TUMAN KENGASHINING QARORI

190200, Angor q, Al-Hakim at-Termiziy ko`chasi 58-uy, tel.: 0(376) 31-22-012, faks: 0(376) 31-22-012

2023 - yil 3 - mart

VI-59-48-8-109-K/23

Angor tuman hokimligi

O‘zbekiston Respublikasi Prezidentining 2021-yil 9-avgustdagi “Bola huquqlarining kafolatlarini ta’minlash tizimini yanada takomillashtirish chora-tadbirlari to‘g‘risida”gi PF-6275-son Farmoniga asosan Bolalar masalalari bo‘yicha tuman komissiyasi raisining 2022-yil davomida komissiya faoliyatiga doir axboroti to‘g‘risida

O‘zbekiston Respublikasi Prezidentining 2021-yil 9-avgustdagi “Bola huquqlarining kafolatlarini ta’minlash tizimini yanada takomillashtirish chora-tadbirlari to‘g‘risida”gi PF-6275-son Farmoni asosida Bolalar masalalari bo‘yicha tuman komissiyasi va Bolalarni himoya qilish sho‘basi tashkil etilgan. Tumanda 0-18 yoshgacha bo‘lgan jami 46551 voyaga yetmagan bolalar mavjud bo‘lib, shundan 22390 nafari qiz bolalarni tashkil etib, ushbu bolalardan 36 nafari yetim bolalar va ota-ona qaramog‘idan mahrum bo‘lgan bolalar. Ushbu bolalarning 33 nafari vasiylikka va homiylikka 3 nafari oilaga tarbiyaga (Patronat)ga berilgan.

Bolalarni himoya qilish sho‘basi xodimlari tomonidan 0 yoshdan 18 yoshgacha bo‘lgan 36 nafar yetim bolalar va ota-ona qaramog‘idan mahrum bo‘lgan bolalar 19 yoshdan 23 yoshgacha bo‘lgan 6 nafar yetim bolalar va ota-ona qaramog‘idan mahrum bo‘lgan bolalarning ro‘yxati “Mehr daftari”ga kiritildi.

O‘zbekiston Respublikasi Vazirlar Mahkamasining 2021-yil 25-oktabrdagi 656-sonli qarori bilan tasdiqlangan “Yetim bolalar va ota-ona qaramog‘idan mahrum bo‘lgan bolalarni uy-joylar bilan ta’minlash tartibi to‘g‘risida”gi Nizomda keltirilgan “Onlayn-navbat” axborot tizimiga farzandlikka, vasiylikka, homiylikka, patronatga olingan yetim bolalar va ota-ona qaramog‘idan mahrum bo‘lgan bolalar shahar va tuman hokimligining bolalarni himoya qilish sho‘basi tomonidan kiritildi.

Tuman hokimligining bolalarni himoya qilish sho‘basi tomonidan “Onlayn-navbat” axborot tizimiga kiritilgan uy-joyga muhtoj yetim bolalar va ota-ona qaramog‘idan mahrum bo‘lgan bolalar haqidagi barcha tegishli ma’lumotlar bazasini shakllantirilib, farzandlikka, vasiylikka, homiylikka, patronatga olingan yetim bolalar va ota-ona qaramog‘idan mahrum bo‘lgan bolalar to‘g‘risidagi ma’lumotlarni “my.maktab.uz” tizimiga o‘z vaqtida kiritib bormoqda.

Bolalarni himoya qilish shoʻbasi xodimlari tomonidan yetim bolalar va ota-ona qaramogʻidan mahrum boʻlgan bolalar “Mehr daftari”ga kiritildi. Uy-joyga muhtoj boʻlgan yetim bolalar va ota-ona qaramogʻidan mahrum boʻlgan bolalarni uy-joy bilan taʼminlash boʻyicha 6 nafar 23 yoshgacha boʻlgan yetim bolalar va ota-ona qaramogʻidan mahrum boʻlgan bolalar roʻyxati shakllantirilib viloyat hokimligiga taqdim etilib, onlayn navbatga qoʻyildi.

Hozirgi kunda uy-joy bilan taʼminlangan yetim bolalar va ota-ona qaramogʻidan mahrum boʻlgan bolalardan 3 nafari yaʼni tumandagi “Madaniyat” mahallasida yashovchi Eshmanov Gʻayrat Erkin oʻgʻli va “Xoʻjanqon” mahallasida yashovchi Razzaqov Mavlon Juma oʻgʻli hamda “Navroʻz” mahallasida yashovchi Nomozov Behzodjon Bohodirovichlarning yashash sharoiti oʻrganilib tegishli yordamlar berildi.

Tumanda 5 nafar past ball olgan yetim bolalar va ota-ona qaramogʻidan mahrum boʻlgan bolalarni oliy oʻquv yurtiga qabul qilish boʻyicha qayta koʻrib chiqilib, 2023-yil yanvar oyidan boshlab oliy oʻquv yurtiga talabalikka imtiyoz asosida oʻqishga qabul qilindi. Hozirgi kunda oliy taʼlimga imtiyoz asosida oʻqishga qabul qilingan 9 nafar yetim bolalar va ota-ona qaramogʻidan mahrum boʻlgan bolalarga yaratilgan shart-sharoitlar yuzasidan oʻrganishlar olib borildi.

Oʻzbekiston Respublikasi Prezidentining 2021-yil 9-avgustdagi “Bola huquqlarining kafolatlarini taʼminlash tizimini yanada takomillashtirish chora-tadbirlari toʻgʻrisida”gi PF-6275-son Farmonining tumandagi ijrosini taʼminlash boʻyicha tuman hokimligi yoshlar siyosati, ijtimoiy rivojlantirish va maʼnaviy - maʼrifiy ishlar masalalari boʻyicha oʻrinbosari O.Umarovning xalq deputatlari tuman Kengashining Yoshlar siyosati, xotin-qizlar va gender tenglik masalalari boʻyicha doimiy komissiyasiga bergan axborotini koʻrib chiqilganligi va deputatlarning fikr-mulohazalari hamda takliflarini inobatga olib, Oʻzbekiston Respublikasi “Mahalliy davlat hokimiyati toʻgʻrisida”gi Qonunining 6 va 24-moddalariga muvofiq, Xalq deputatlari Angor tuman Kengashi

QAROR QILADI:

1. Oʻzbekiston Respublikasi Prezidentining 2021-yil 9-avgustdagi “Bola huquqlarining kafolatlarini taʼminlash tizimini yanada takomillashtirish chora-tadbirlari toʻgʻrisida”gi PF-6275-son Farmonining tumandagi ijrosi yuzasidan tuman hokimligi yoshlar siyosati, ijtimoiy rivojlantirish va maʼnaviy - maʼrifiy ishlar masalalari boʻyicha oʻrinbosari O.Umarovning xalq deputatlari tuman Kengashining Yoshlar siyosati, xotin-qizlar va gender tenglik masalalari boʻyicha doimiy komissiyasiga bergan axboroti maʼlumot uchun qabul qilinsin.

2. Xalq taʼlimi boʻlimi (N.Mamadiyarov), Yoshlar ishlari agentligi tuman boʻlimi boshligʻi (D.Shanayev) hamda tuman Maktabgacha taʼlim boʻlimi (G.Bobomurodova)larga:

- tizimda ma'naviy-ma'rifiy yo'nalishdagi ishlarni va voyaga yetmaganlar o'rtasida jinoyatchilik holatlarini tahlil qilish, umumta'lim maktablarida haftaning har payshanba kuni o'tkaziladigan profilaktik tadbirlar doirasida hamda maktabgacha ta'lim tashkilotlarida tarbiyalanayotgan bolalar haq-huquqlarining himoya qilinishi bo'yicha doimiy monitoring yuritish;

- sababsiz dars qoldirayotgan o'quvchilarning ota-onalari yoki ularning o'rnini bosuvchi shaxslar bilan nisbatan tushuntirish ishlarini muntazam ravishda olib borish;

- bolalarni kasbiy va sport to'garaklariga jalb etish, ular o'rtasida turli ko'rik tanlovlari o'tkazish orqali bo'sh vaqtini mazmunli tashkil qilish hamda iste'dodli yoshlar faoliyatini keng targ'ib qilish, yoshlarda millatlar va dinlararo muomala madaniyati, umuminsoniy qadriyatlarga hurmatni shakllantirib borishga qaratilgan targ'ibot-tashviqot ishlarini amalga oshirish vazifalari yuklatilsin.

3. Bolalar masalalari bo'yicha tuman komissiyasiga:

- o'z ish faoliyatini O'zbekiston Respublikasi Prezidentining 2021-yil 9-avgustdagi "Bola huquqlarining kafolatlarini ta'minlash tizimini yanada takomillashtirish chora-tadbirlari to'g'risida" gi PF-6275-sonli farmoni va sohaga oid boshqa qonunchilik hujjatlarida belgilangan ustuvor vazifalardan kelib chiqib tashkil etish;

- bolalar o'rtasida nazoratsizlik va huquqbuzarliklar profilaktikasiga oid ma'lumotni to'plash, saqlash, qayta ishlash, tahlil qilish hamda tegishli organlar va muassasalar faoliyati samaradorligini oshirish maqsadida ulardan foydalanish;

- bolalar o'rtasida nazoratsizlik va huquqbuzarliklar profilaktikasi sohasida davlat dasturlari va boshqa dasturlarning ijrosini ta'minlash;

- bolaning ota-ona qaramog'idan mahrum bo'lishining oldini olish choralarini ko'rish;

- bolalarning jismoniy, intellektual, ma'naviy va axloqiy kamol topishiga ko'maklashish;

- bolaning huquqlari, erkinliklari va qonuniy manfaatlarini, uning sog'lom turmush tarzini ta'minlash;

- "Mehr daftari" tizimiga kiritilgan yetim bolalar va ota-ona qaramog'idan mahrum bo'lgan bolalarning muammolari, ularni qiynayotgan masalalarni joyida hal qilish hamda keyingi hayotida o'z o'rnini topishiga har tomonlama ko'maklashsin.

4. Tuman hokimligining Bolalarni himoya qilish sho'basini (B.Shomurodov)ga:

- bolalarni qo'llab-quvvatlash, ularning qonuniy huquq va manfaatlarini himoya qilish, ma'naviyatni yuksaltirish, bo'sh vaqtini mazmunli o'tkazish bo'yicha mahalla kesimida tuman ichki ishlar bo'limi, tuman xalq ta'limi bo'limi, tuman maktabgacha ta'lim bo'limi, tuman milliy gvardiya bo'limi, tuman sportni rivojlantirish bo'limi, tuman tibbiyot birlashmasi, tumandagi o'zini o'zi boshqarish organlari bilan hamkorlikda har oyda bolalar bilan tegishli profilaktik tadbir va tushuntirish ishlarini olib borish;

- voyaga yetmaganlar bilan joylarda amalga oshirilgan profilaktik tadbirlarni tuman hokimligi axborot xizmati bilan hamkorlikda yoritib borsin.

5. Yuqorida belgilangan vazifalar ijrosi yuzasidan **har chorak yakunida** xalq deputatlari tuman Kengashiga yozma axborot kiritib borilsin.

6. Tuman hokimligining Axborot xizmati va "Angor yog'dusi" gazetasi tahririyati (G.Jumayeva)ga olib borilayotgan ishlar holatini ommaviy axborot vositasi hamda ijtimoiy tarmoqlarda keng yoritib borish tavsiya etilsin.

7. Mazkur qarorning ijrosini nazorat qilish xalq deputatlari tuman Kengashining yoshlar siyosati, xotin-qizlar va gender tenglik masalalari bo'yicha doimiy komissiyasi (Sh.Qo'ziyeva) va ta'lim, sog'liqni saqlash, madaniyat, sport va ijtimoiy himoya masalalari bo'yicha doimiy komissiyasi (M.Qodirova)lar zimmasiga yuklatilsin.

8. Ushbu qaror qabul qilingan kundan e'tiboran kuchga kiradi.

Sessiya raisi



X.Xolmurodov